

Wóś Budzysz

Bojka o Sodłatym.

(Na sztołt Derdowskiego).



Kartuzy 1939.

Drukiem i nakładem Wydawnictwa „Gazety Kartuskiej”
(J. Bielińskiego).



0027-918
Wóś Budzysz

Bojka o Sodłatym.

(Na sztołł Derdowskiego).



Biblioteka Główna UG



1000057635

Kartuzy 1939.

Drukiem i nakładem Wydawnictwa „Gazety Kartuskiej”
(J. Bielińskiego).



|| 378817

K 64 / 15 / 97

101

I.

Gburczyk Reszka chował gęsy wielgą strzodę,
Chocy mało miał z nich zysku, więcy zmude;
A w tym gęsym państwie wielgo była zgoda.
Ciede do dem toczale sę przed zochodę
Kolebając, jakcie wojsko w dłużi redze,
Z pełnym kropem, bo sę najadle ju w sztedze,
Dzube otworzale, spragnione od cepła,
Tede żodno gaska ani skrzydłem trzepla,
Ani dzubą zajechała drudzi w pióra
Leno trzymając sę prowadnika wzora,
Kolebając bez gégotu i hałasu
Toczałe sę po koleji do szałasu.

Roz le zmortwił Reszkę srodze gęsy ludek,
Bo sę wekluł w gęsym gnioldze mu werodek.
Ju jak pylę ni miał on nick na sę puchu,
Le piknołce gęste na plecach i brzuchu.
A tej dostał potem czesto szare pióra,
Tacie twarde, sztywne jak drzeniate wiora.
Swoje skrzydła skłodoł zawde w tacie modło,
Że tak weglądałe jak prowdzewe sodło.
Temu Sodłatego miono jemu dale,
I Sodłatym jego wiedno przezewale.
W dłużi, jakcie biołe płotno, gęsy rędze
Wezdrzoł nasz Sodłaty jakcie wander w biędze.
I jak wander zaprowadzeł cudzą modę,
Zmąceł w gęsym państwie porządk i też zgodę.

Zawde pse donote miewoł w swy makowce,
Leno w szkodę włazeł wiednio na pastowce.

Zato gęszor nieroz obtrącił mu skrzydło,
Ale jemu płosowanie się nie zbrzedło.
Gąście jiwrujące nieroz dzubą dziuboł,
Całe pięcie piorow z chrzebta jim weskuoł.
Ob noc w chlewie tacie westworzoł jarmarcie,
Ze go na osobce zamkle w podworzarce.
Skrzydła miol on mocne jak wiatrocie,
W gorzu jakcie kuron trzepoł nimi w bocle.
Wesok jakcie bocan mog on lecec w gorę,
A na wodze nurkowac ja wodne nure.
Gąsor, ten co nocowięcy w gęsy strzodze,
Ze Sodłatym užec ni mog nijak w zgodze.
Matce jęgo nie przeboczeł wiaro'omstwa,
I teź sena nie liczeł on do potomstwa
Bo roz bode dziecie gęse przelecał.
Te sę do tech biołech gęsy zalecał.
I teź Sodłatego nana nieroz cmudziem,
Razem płosowała z gąsorem nemi cudzym.
Stąd Sodłaty miol wżac powdzewy początek,
Temu on w ty bioły strzodze beł wyjątek.

Nana miała Sodłatego w swy opiece,
Jemu gegotała na pastwisku w lece.
Żol ji beło, że on miru ni miol w strzodze.
Że mu na ostatku eszczy lecho pudze.
Nieroz powiodała o nech gęsach dzieciech,
Co tam żeją wolne w krajach gdzes daleciech,
O niech dzieci gąsor nieroz ji powiodoł,
Ciede jeszcze na wyględe do ni chodzoł.
„Wolnosc jak u ludzy je tam bode wszędze,
Krolikami w gęsym rodze są łabędze.
Te sę nieroz szarym gęsom zalecał.
I tak gęsy szlachce bode początk dale“.

„Decht jak jinsze gęse mają szare piora,
Leno skrzydła zakłodają kęseczki w gorę.
Szyje mają dłuższe, troche zakrzywione,
I teź dzube sęciem westrzod ozdobione.
To je nocowięcy znaciem pochodzeniu —

I tak są już naznaczeni z urodzeniu.
Tacie prawo mają w swoji gęsy wierze:
„Ze swojego rodu gąsor gąskę bierze“.
Ciej sę czasem jinsze wełgnie jim: pyłę,
To mu nie dareją żecu ani chjilę,
Leno zadzobają zaro na tym miescu
I tak bronią gniozda swego od nieszczescu.
Wolą, że ród cały jidze choc na zgubę,
Jak miec pyłę w rodze, co mo jinszą dzubę.
Szczestlewo sę czuje gąska, co poznaje,
Choche roz za żecu one gęse kraje.
Dzesanc dni i nocy muszołbes stąd lecec,
Ciejbes gęse kraje w żecu choł odwiedzec —“

Sodłaty jaż łykoł swoji nane słowa.
Z cekawosce mu sę rozpoleła głowa.
Leno przemysliwoł o nym dzywnym kraju,
Gdzie to gęse krolow i też szlachtę mają.
Ciede na posniku po zelony trowie
Kozdo gąska rada dzubę w skrzydło schowie,
I tak drzemie jaż tam do drudziegu żeru,
Sodłaty choc ob przypołnie ni mioł miru.
Jedną nogę wcygnął on pod swoje piora
I tak stojąc wzeroł ociem leno w górę.
Medytowoł, jakbe stądka sę wedostac,
Bo o żoden swiat tu dłuży nie choł ostac.
Strach jesz niepotemu meslo dodowała,
Że i jego gęso smierc roz szczapic miała,
Że go gburka ciedes będzie po łbie skubac,
Żebe durę do czorline mu wedłubac,
Że go wandzec będą w sadzach prze kominie; —
Taci kuńc sromotny wierę go nie minie.
Sodłaty ju nieroz tacie mesle wożeł..
Choc nolepszzy posnik jemu ju nie plożeł.
Jak roz przeszed citlorz do wse w płoszczu biołym
Z długą kluczką w ręce i też z psnioczemu mołym,
Oną kluczką gęs po gęse sobie przetrycywoł
I je nożycami po łbie nacechywoł —

Tede wiedzoł ju Sodłaty, co sę swiecy,
I ju na swą kolej nie żdoł więcy,
Leno trzepnął skrzydłem, wlecoł chyże w górę,
Jaż go skreła nad borami szaro chmura.
Ilecoł szukac nego szczestlewego kraju,
Gdze to gęse krolow i swą szlachtę mają.

II.

Dzesanc dni i nocy lecoł jednym szturciem,
Nie usod na wodze, choc beł dobrym nurciem,
Ani odpoczął na bagnach ani pławach,
Choc mu od leceniu skrzydła spuchłe w stawach.
Dzesąto ju zorzo wezdrzała na niebie
I sę rozpolełe chmure jak rzerzewie;
Tede uzdrzoł w doli wieldzie łącie, błota,
A w niech zorzo meła warkocze ze złota.
Tero wiedzoł, że to zemia malowano,
Gęse państwo, ojcowizna obiecano.
Głosny podnios gegot, serce dergotało,
Ocze cemżo zaszła — w głowie zaszumiało,
I jak orzeł w chyżym loce postrzelony,
Spod na wodę długą drogą ubiedzony.

Leżoł długo — jak sę rozwidniało w głowie,
Tede poznoł, że beł blisko prze Żabowie.
Tak sę nazewała wyspa na jezorze,
Co sę szerok rozlewało jokiże morze.
Kole wyspę uzdrzoł gromodeczkę gęsy,
Co tam plambrotale w mule, abo w rzęse
Redując sę zagegotał: „Braco mili!“
I tak gegotając dzubę do niech chyli.
Ale nicht sę przewitaniem tam nie kwapieł,
Leno stary gąsor „sze—se“ zasapioł:
„Co te jes za jeden, skądka znosz te naju,
W jacim gniozdze żes sę weląg łoni w maju?“
Sodłaty tej poznoł, kogo mo przed sobą,

Że to z gęsą szlachtą prowadzi rozmowę.
Wielemożny gąsor, jimosc gąsorowo,
Slode sporo gromodeczka pyłat płowo.
Wszetci miele dłudzie szyje zakrzywione,
Grubym sęciem dzube w gorze ozdobione.
Sodłaty sę ustatkowoł, rzek w pokorze:
„Sodłatym mnie przezewale we wse gburze,
Jem sę weląg łoni pod kominciem w durze.
Do waju jo przelecołem bez to morze,
Dzesanc dni i dzesanc nocy jo lecołem,
Ani spiku, ani wepoczynku jo ni miołem;
Bo żem ucek przed citlorzem, co to z hociem
Przechodywo kupac gęse kożdym rociem.
Kluczka gęs po gęse on so przetrycywo,
I ją nożycami po łbie nacechywo.
Ty ju niedługuszeko smierc je napisano,
I tam przed kominciem bandze oskubano.
Przed nim jo żem ucek do waszego kraju,
Gdzie to gęse bode wszelci bezpiek mają.
Tede niech mie wolno bandze z wama bywac,
Po tech wodach wszęde plambrotac i pływac“.

Na to rzek mu gąsor szlachcec ze Żabowa:
„Kąsk je młodo — widac — twoja gęso głowa!
Prowda, że tu sąsma w naszym gęsym kraju;
Ale rząd i walor leno krol i szlachta mają.
Chto wej nie je z tego szlachecciego rodu,
Ten tu słuchac muszy starodowną modą.
Nieszczestlewie żes sę wekluł ze skorupe,
Szlachecciego ni mosz ortu ani dzube.
Ale z naju łasci nie mdziesz pas prośeta,
Leno wuczeł naju szlacheccie pyłeta.
Bo jo widzę, że mosz swięcę w swoji głowie,
Ciede citlorz nie doł z tobą rade sobie.
Na wędrowce uzdrzoł jes też różne kraje,
Bele-chto sę w taką rejzc nie udaje.
Eży za sztywnego ni mosz chrzebta, karku,
Tej sę chowac mozesz kole mego garku.

Leno bocz be statk i sztele miało twoje bece.
Dobrze statkowac sę muszysz prze korece“.

* * *

Tak Sodłaty ostół szkolnym tu w Żabowie
I sę niewoł dobrze na szlacheccj chowie.
W samym końcu prze korece miał swe miesce.
Temu w krew mu nie szło nosmaczniesz je sce.
Boczec muszoł na domowe paragofe,
Be sę ustrzedz wstydu, abe jaci sztrofe.
Wielemożny boczeł na te jego sztele,
Dzube krąceł, jak mu beło kąsk za wiele:
„Zebes mnie tu nie smekotoł swoję dzubał,
I tak żernie nie napychoł gordzel grubą!..
Co tak wiedno gutorzysz przed twojim nose?
Cze tu mąme prze korece małe prose?“
Tak doł zażec Sodłatemu prze moltechu,
Za to, że miał statecznosc kąsk lechą.
Nieroz na osobce skrzydłem lze oceroł,
W stronę swego doma z teskniączką wezeroł:
„Jo bem cichoł na te waju przywileje
I jak wieta, podzəkowoł moji dobrodzeje;
Leno droga do dem straszno i daleko,
A tam doma smierc pisano na mnie czeko.
Nima rade, serce moje, chocy jęczysz,
Cerp w ty służbie, jaże sę przemęczysz“.

* * *

Tak rok minął i sę do grobu położeł.
Szkolny ju nie skomłoł, jakos sę nałożeł.
Przeszed spodzymk, od niego jaż redosc deszy.
Za nim moj, co z miesędzy je noładniejszy.
A na wyspie sę rozeszła tako spiewa,
Jakbe na wesele przegrywała cało niwa.
Sodłatego muzeka ta czesto rozebrała,
Słodko nuta wiedno jemu w uszach grała,
Ze o Bożym swiece jakos nick nie wiedzoł,
Leno kole gąsci Bury wstec przesedzoł.
— Oh — te nieszczestlewy, naderwany ptochu,
Żoł mnie ciebie srodze, oslepiony gochu!

Jak te możesz zwodzec twemu panu pyłę,
Ciej u niego zjodłes posladu ju tyle.
Wszetce ptoche, jakcie grzemoť sę rozgorzą
I ce sprawią ostateczną krwawą zorza.
Nieszczestlewy syn te, nieszczestlewy mamci,
Eży te nie puszczysz zakozany klamci! —“.

Sodlaty i Buro używale w maju,
Na jeziorze w nurce czule sę jak w rajju,
W sytowiu nad brzedziem razem plambrotale,
Małe rybacie na przysmakę so chwyttale.
Sodlaty tu miewoľ czasem tacie szturcie,
Ze jaż w głąb jezora robił chyże nurcie,
Abę mocnym skrzydłem proľ i proľ po wodze,
I rozdartą dziubą wekrzykiwoľ srodze,
Abe czasem Bury szeptoľ kole uszka:
„Te jes moja nomilejszo wil — wiluszka“.

Tacie szepte Buro barzo rada imala,
Na odlew mu zato nieroz tak gegała:
„Nie wiem czemu jo sę w ciebie zapatrzeła,
Statecznosć i ród moj czesto zaboczela.
Choc tam Trzepolina do mnie sę zaleco,
Jo doch ciebie so obrała roz na swiece.
Leno wez mnie precz stąd do twojego doma,
Bo do gniazda bierze mnie już wielgo skoma“.
Na to on ji odgegotoľ w utropieniu:
„Serce moje tero w wielzim udręczeniu
Do dem droga barzo straszno i daleko,
A tam doma smierć pisano na mnie czeko.
Doma biedny gąsće piora ze łba skubią,
Do czorline durę we łbie ji wedłubią.
Biedno gąska ledwie roz jesz nożką trzepnie,
I kureczce smierće głuchy krzyk werzepnie“.
Na to ona daje jemu tak otuche:
„— Może bandze u nich zlitowanie, słuche!
Dec nie wszetcie gąsće muszą łozec głowę,
Jednak cilkanosce ostawią do chowe.“

Może i nam bandze doma tacie szcześnie,
Że nam dadzą bezpiek i do gniazda miesce.
Czej ju darmo bandze droga tak daleko
I ju ciebie doma smierc pisano czeko,
Tej jo nie chcę sama dali ostac zdrowo,
Eży twoją służbę tam przepłacysz głową.

III.

Jesz noc cemno z nieba nie wzięła gardynów,
Ani szary zmrok się weląg z nocnych ceniov, —
Sodłaty i Buro chyże jak dwa duche
Lecą ze Żabowa w puste dole głuche.
I się spieszą ucec nimbe słońce wstało,
Żebe ptośze oko jejich nie uzdrzało.
Na darmoka mądro Sodłatego głowa,
Bo jech djade oboczela czujno sowa.
I jak straszek wej nadlecała blisko ucha,
Zabuczala: „Widze waju, uha — uha“.
I się wzięła do Żabowa chyże lecec,
Żebe Żabowskiemu panu to powiedzec:
„Wstąnta, wstąnta, co le mota ducha,
Gońta chyże tam za Burą, uha — uha“.
Żabowsci się zerwoł ze swy suchy sztreji,
Serce jemu dergotało — bez nadzieji,
Bo to nowianc bywo, ciede sowa budzy,
Że złe nie spi, ani niezszcześnie nie mudzy.
Zaró poszed zazdrzec do ny gęsy klotci,
Żebe też oboczec, cze są zdrowe dzotcie.
Uzdrzoł, że tam felowała jego Buro;
Wierę, że ucekała jakos z klotci durą.
Tej zapoleł prze kominku żeglocz smolny,
Uzdrzoł, że felowoł i ten omońc szkolny
Tede się ju ni mog wstrzymac wcole gorzu,
Zaczał głośno wekrzykiwac na podworzu:
„Do Paruna, dąm jo wama, wa bestyje,
Slepie wama weźrą morangowe żmije.
Sprawiedliwie! jak tu wzyndze swianto zorzo,
A tej nazod spłynie wieczor tam do morzo —
Nie daruję wama ty piecielny fame,

Stracę waju obu do smiertelny jame“.
Sodłaty i Buro ulecele wiele
Mil ju sładka i sę głośno redowele.
Słońce renne sę dwigało z morsci bode
I szło w drogę do wieczerny swy gospode,
Tej sę obezdrzała Buro kask za siebie
I uzdrzała szare hurme tam na niebie:
„Rety, rety — gego — zdrzy le, co sę dzeje,
Ptosze wojsko niedługuszko nos zaleje.
Czujesz te tam w doli szum i głuchy remot?
To od skrzydeł łabędzowych jidze taci grzemos.
A tam w gorze krąży wojsko bocanowe,
A tam ksobie lecą dziecie gęse płowe.
Z tymi bandze nama wierę ju nogorzy,
Bo jech żodno mordacyjo nie umorzy.
Tero smierc ju stoi westrzod nam na drodze,
Open grob dlo naju we wilgotny wodze“.

Sodłatemu serce w pierse dergotało,
Ale zuchternosc mu ducha dodawała:
„Cet le, me też mame skrzydła nie ze słome,
Niech że nos dogonią, tej jech przewitame.
Te le trzym sę slode blisko moi nodzi,
A jo w przodku krajoł będę wiater srodzi“.
I tak ucekale obaj w chyżym biegu,
A za nimi dziecie gęse długą regą.

Gonitwa ju derowała w taci proce
Bez spoczynku cilkanosce dni i nocy.
Ptochow duże hurme ostale już w tele,
Leno dziecie gęse bełe jesz prze sele.
Na przodeczku jejech wojennego klina
Lecoł w gorze sapiąc gąsor Trzepolina.
Lecoł remotając, wecygnął swą szyję,
Jakcie długą jadowitą... źmiję.
Decht jak strzelc, ciej puszczy gwizdającą strzołę
I ję ociem goni w niedozdrzaną dolę
I ju drudzi z torbe nie weszuko wcole,

Tak też dziecie gęse rozłozniłe klina,
Spuscełe sę decht na pana Trzepolina.
On ju pewno Sodłatego dogno w noce, — —
Żoł sę Boże, ciede bandze w jego moce. —

Całą noc lecele, jak sę rozwidniało:
„Wezdrzy — rzek — cze sę gęse zaostałe,
Gonitwe na smierc i żece zaniechałe?”

Buro zdrzała w teł po rozpolonym niebie
I le Trzepolina widzy slode siebie.
„Gęse w tele, — rzecze — ale blisko mola
Widzę spiekłonego tam dzubola“.
Sodłaty tej stanął, uzdrzoł przecywnika,
Chyże dzubę wprostowoł, jakcie pikę.
Ale nim jesz przeszło do grezeniu:
„Brace — wołoł — de że poku ju gonieniu“.
Tak Sodłaty z uderzeniem jeszczce zwleko;
Ale drudzi czesto oszelały krzyko:
„— Zaro mnie sę szeku, senie te sobaczy,
Jo ce wedrzę serce i twój musk robaczy.
Żebes z piekła na swiat nie beł weloz łoni,
Be tu nasobaczec, jinszce te spiekłony!“ ---
I tak sapiąc wepluł przezwisk całą rzeke,
I swą dzubę wprostowoł jakcie pikę.
Decht jak w lece dwa barane w jedny strzodze,
Ani chjili żeć nimogą ze sę w zgodze,
Jak sę uwąchają zaro zatuptają,
Porszcząc weszczerzają swoje monie gołe,
Kopetami w zemi webijają dołe,
A tej na sę lecą nastawionym rodziem.
I sę zbodną na smierc z trzoscim srodzłm, —
Tak zbuchnęłe sę gąsore w wieldzim gorzu,
Ze jaż krew i piora podałe do morzu.
Oni jakcie na zopaskach sę mociją,
Ostrą dziubą w głowie dure so swidrują.
Za tym czasem drudzie gęse nadlecałe,
Do zopaskow wcole sę ju ni mieszałe,

Be nareszce prowda sę ju wekozała,
Komu z nech gąsorow Buro noleżała.
Ty ju czesto zachrapiele od krzykaniu,
Dzube czesto pozdrętwiąle od dzobaniu.
Chocy chrzebt je krwawy, szyja obszarpono,
Jesz nie wiada, komu wygra je pisano.
Tej Sodłaty dzubą chweceł, jak w rozszczepcie,
Kark drudziego, jaż mu na wiechrz weszłe ślepie
A tej skrąceł, głośno zatrzeszczale gnote,
Złomoł jemu szyję i je kuńc robote. —

Decht jak knope puszczą orzła w dol z papieru,
Naroz pęknie sznur, tej zaro ptoch bez steru
Czesto jakbe zakrąceło mu sę w głowie,
Spodo na doł, że jaż dzubą ryje w trowie, —
Tak też Trzepolina ani na smierc so nie gegnął,
Leno spod do morzu, wodę jaż rozbrzegnął.
Tero Buro i Sodłaty zakrzykale
I sę od redosce czesto rozbrykale.
Ale niedługuszko miele sobie gegac,
Bo te drudzie ptoche zaczęłe jech scegac.
Smierc be zemsceć prowadnika i gąsora.
Szła gonitwa od rena jaż do wieczora.

Noc dzesąto ju sę w czorny płoszcz oblekła,
Zorzo na zochodze downo w dół ucekleła,
Tej ju blisko bele goscynnego brzegu,
Ale Buro ustowała jakos w biegu.
„Oh, moj miły, woło płacząc do gąsora,
Ju ni mogę dali, piers mnie dusy mora,
Ostaw mnie tu, żebe zbujce mnie zabile,...
Te sę retu i lec z Bodziem miły!“ — —
„— Co te godosz? Jo mam cę ostawic w sztychu?
Czej ju smierc pisano zazdrzec mo nam w ocze,
Nama obu głowe cemżo niech zamroczy.
Leno nie wątp, ani nie trac w pierse ducha,
Sade mnie na plece i sę trzyme pucha“. —

Tak Sodłaty nios na plecach Burą miłą,
Spieszę się do ładu ju ostatną sełą.
Za nim hurma ptochow lecy coroz chyży,
A moł smierce coroz bliży, coroz bliży.
Oh, Sodłaty, mocny i zuchterny ptochu!
Co mosz za to, że żes cerpioł tyle biede,
Że żes morze przebrnął skrzydłem swym sze-
[rociem,

I się mocowoles z Trzepoliną srodzim, —
Ciede tero blisko goscynnego brzegu,
Kuńc ju bandze nieszczesnego biegu.
I żes nie uretoł z krwawy twoji drōdzi,
Ani słomci jedny, taci jes ubodzi.
Zdrzy le—na nieszczesce pchała cę zuchternosc,
Na nieszczesce prowadzela twoji Bury wiernosc.
Wrogow mioles kask za wiele w gęszym swiece,
I ce nagną karku, werzucą na smiece
Ju ni możesz dali, serce se dergoce,
Wnet ce cemżo wieczno zamknie ocze.
Żegne się z twą Burą, wierną i jedyną,
Bo ju slode zbujce, a waju ni miną. — — —

Reno otworzela Reszci białka dwierze,
Widzy kole progu pokrwawione pierze.
A kask dali biedne gęse dwie umiarte,
Slepie wedzubane, ze łhow musk wedarty.
„Ha, to kune moltech miałe, białka rzecze,
I dło swini szczerz ten do dem wlecze. — —

Cz. w lece 1913 r.

to rękopis jest:
" 28/8. 13.
" Mgowo "



Nie pożyczaj się do domu

BIBLIOTEKA
UNIwersytecka
Gdańsk

II 378817

Biblioteka Główna UG



1000057635